



# СЫДЫСЧЫГАШ

№26  
(2889) Июль  
1  
вторник 2008  
ЧЫЛ

1945 чылдың март 1-де үндөзилеттинген.  
1990 чылдың февраль 1-де катап тургустунган.

Хүнүнүн үнэри: 4.58; ажары: 22.08  
Хүн дуртунук үгүнү: 17.10.  
Айның үнэри: 2.10  
Ажары: 21.15

Солун вторник санында үнөр.  
Садар өртөз дугуржулга өзүгээр.

## СЫДЫСЧЫГАШ КЕДӨӨЛӨР

### "Саян дээрбээ-2008" стартче үнөр

Июль айда чанчыл болган регионнар аразының "Саян дээрбээ-2008" чадаг-терге чарыжы эгелээр. Красноярск крайның, Хакас Республиканың, Иркутск болгаш Кемерово областарның 35 чада-терге спортчулары болгаш хоочуннары дараазында маршрут-биле айттаныптар: Красноярск - Ачинск - Абакан - Кызыл - Шагаан-Арыг - Чадаана - Ак-Довурак - Абакан - Красноярск. Чадаг-терге чарыжының элчиликчилери Красноярск крайның, Хакасияның болгаш Тываның бариын болгаш мурнуу девискээрлерин таварып 2500 километрин эртер.

Хөй хонуктуң чадаг-терге чарыжы үш кезекке эртер: бирги кезээ — июльдун 3-4, 14-16 хүннеринде Хакас Республиканың девискээринге; ийиги кезээ — июльдун 5-7 хүннеринде Красноярск крайның девискээринге; үшкү кезээ — июльдун 8-12 хүннеринде Тыва Республиканың девискээринге.

"Саян дээрбээ" чадаг-терге чарыжы 2001 чылда эгелзэн, ооң организатору "Чакгыс демниг Россия" партияның Красноярскиде салбыры (Хакасияда болгаш Тывада салбырларның деткимчези-биле). Бо чадаг-терге чарыжы — Красноярск крайга, Хакасияга болгаш Тывага улуг болуушкун. Чүге дээ аныктар болгаш улуг улус аразынга кадык амыдыралды, суртаалдап, регионнар аразында культурулг болгаш спортчу харылзааларны сайзырадыр.

Тывада ЧДР-нің салбыры 4-18 хар назылыг элчиликчилерин чадаг-терге чарыжыга киржиринче чадап турар.

## ОМАК-ХӨГЛҮК ДЫШТАНЫЛГА

Хөглүг  
чай-2008

Бистин Кызыл-Даг ортумаа школазының чанында лагериниң 1-ги сезонунда дыштанып тур мен. Лагериште шупту 25 кижидыштанып тур. Башкыларывысты Екатерина Салчаковна Хертеш, Лариса Олеговна Салчак дээр, а поварывысты Сайдай Орбаевна Салчак деп адаар. Хүнүн-не дыка солун оюннары ойнап, чанывыста агып чыдар Ооруг хемге эштип, дадыгып тур бис. Ооруг тайгазынче экскурсиялап база чордувус. Ол тайга дыка чараш, оон агып чыдар Ооруг хем дыка дааштыг болду. Анаа баргаш:

Улуг-Ооруг, Аныяк-Ооруг  
Угбашкы дег аккан

— деп кожамыкты өөрөндү-  
вис.

хемнер,  
Угбашкы дег аккан хемниң  
Унун ойда Кызыл-Даамны

Чоогувуста Найырал  
суурнуң лагеринге бир хүн

аалдап четтивис. Анаа ол  
лагерь уруглары-биле бас-  
кетбол ойнааш, удуп ал-  
дывис.

Эки, омак-хөглүк дыш-  
танып тур бис.

Айрана КУЖУГЕТ,  
Кызыл-Даг школазы,  
Бай-Тайга кожуун.



## "Тываның аныяктары" 75 харлаан



Тыва парлалганың хоочуннарының бирээзи —  
"Тываның аныяктары" солунуң 75 харлаан юбилейин  
Алдан-Маадыр аттыг национал музейге байырлыг  
байдалга демдегледип эрттирген.

Анаа Тыва Республиканың Чазаның Даргазының бирги оралакчызы Шолбан-оол Иргит, аныктар солунунга ангы-ангы чылдарда ажылдап чораан журналистер, аныктар болгаш өске-даа чалаткан хүндүлүг аалчылар келген. Шолбан-оол Советович Тыва Чазактың өмү-

нээзинин мурнундан байыр чедиргеш, аныктар редакциязынга машина бээрин аазаан.

Журналист коллегалары, солуннар редакторлары база юбиляржыларга байыр чедиришкенин чылыг-чымчак сөстөрүн чуугаалап, белек-селектерин сөңпезэн.



75 харлаан солунда бо хүннерде кол редактору Мира Конгул-оол баштаан коллективте дөрт кижидедемдегледип эрттирип турар коллегаларывыска "Сыдысчыгаш" солунуң мурнундан байырывысты чедирип, чогадыкчы чедиш-киннерни күздөдөвис. Демир-үжүүнер бажы чидигле болзунам!

Чурукта: "Тываның аныяктары" солунуң кол редактору М.Конгул-оол.

## Доозукчулар балы

Москва хоорайга Кремльге "Доозукчу-2008" бал бөлүп эрткен. Анаа Россияның бүгү булуннарындан тергип эки өөрөдигелиг база школань хөй-ниити ажылынга идеккейлиг доозукчулар чыгып келген. Бистиң республикавыстын мурнундан доозукчулар балынга Күрүне лицейиниң доозукчузу Сергей Ондар биле республиканын өскүс уруглар школа-интернадының доозукчузу Орландо Ойдуң олар киржир аас-кежиктиг болган.

"Доозукчу-2008" балга Россияның Өөрөдиге сайыды Андрей Фурсенко биле Олимпий оюннарының чемпиону Ирина Роднина киржип, уруглар-биле ужурашкан.

Республиканы төлээлеп барган уругларны Тыва Республиканың Москвада доктаамал чериниң төлээзи В.Урбан хүлээп ап, байыр чедирген.



## 2008 ЧЫЛ – Россия Федерациясында Өз-бүлө чылы



При семье тепло  
А при матери добро.

## Чогаадыкчы конкурс “Өзүмнөр-2008” “Мээн өг-бүлөм — чоргааралым”



Ил сөзүн ижиң болбас,  
Ада сөзүн ажырып болбас.  
Шыда улустун үлөсүр дамактары.

Слово отцово запомнивай,  
Слово матери уважай.

Птица радуется весне,  
А младенец матери.  
Русская народная пословица.

Конкурска

Конкурска

Уруглар чуруп тур

МУЛЬТФИЛЬМНЕР  
МААДЫРЛАРЫ

## ЧОНУ ЧООРГАН, ХӨЙҮ ХӨЙЛӨН

Чону дээнде, чурту дээнде  
Човаг-шылаг уттувуттар.  
Чону чоорган, хөйү хөйлөн  
Чогум кым-дыр чугаалап  
бээн.

Мээн төрүттүнгөн суурум —  
Хөндөлөн ат - сураглыг чогаалчы-  
ларның, мөгелерниң, артистерниң,  
маадырларның, малчыннарның  
чурту. База ол ышкаш ак сеткил-  
диг, экиргек, дузааргак, ажыл-  
чын чон мээн суурумда. Шак ын-  
дыг кижилерниң бирээзинге мээн  
ачамның улуг угбазы, он дөрт  
кижинин улуу Монгуш Ольга  
Оюн-ооловна хамааржыр.

Авазының орунуга кырган-  
ава деп адаксанчыг сөстү дыңнап,  
хөй-санныг думаларын шуптузун  
өглөп-баштаар, эртем-билигге че-  
дирип улуг үлө аңаа аныяанда-ла  
таварышкан. Ынчалза-даа ол ун-  
даравай думаларын шуптузун  
өглөп-баштап алган. Эң улуг дум-  
мазы Ооржак Сергей Оюн-оол ог-  
лу хөй мал-маганын тутпушаан,  
Хөндөлөнниң суму чагырыкчызы  
бооп база ажилдап турган. Амгы  
үедө чайлаанда чеди чүзүн малын  
малдап орар. Кырган-авамның  
думаларының аразында кандыг-

даа мергежилдиг кижилер бар. Ба-  
за бир думмазы Ооржак Зинаида  
Оюн-ооловна Кызылдың №3 шко-  
лазында дээди категорияның баш-  
кызы, Россия Федерациясының ал-  
дарлыг башкызы деп аттын эди-  
лекчизи, Чооду Шончалай Оюн-  
ооловна — артист дээш кымнарны  
чок дээр. Ол дээрге оон бүгү тала-  
лыг сагыш-човаашкынының түн-  
нели-дир.

Монгуш Ольга Оюн-ооловна  
бодунуң төрөөн сурунун школа-  
зында, өөнүн ишти, кырган-ачам,  
хоочун башкы, шыдыраачы,  
спортчу Монгуш Олег Аракчаа-  
евич-биле үжөн ажыг чыл башкы-  
лап, оон иштинде он ажыг чыл ол-  
ла школаның директору бооп  
ажылдап турган. Ол тус черниң  
депутатынга каш-даа удаа сон-  
гуткан.

Кырган-авамның ажылы бер-  
ге, чай чок, харысалгалыг, үле-  
герлиг. Ол хиреде шупту чүвөгө  
четтигин, школага — дагдыныкчы  
башкы, өг-бүлөзинге — ава, чо-  
нунга — сүмелекчи, дузалакчы,  
чээрби алды уйнуктарынга — кыр-  
ган-ава, думаларынга — оруунун  
чырыткызы бооп чоруур.

Суурувустун үлөгерлиг өг-бү-  
лелер санынче кирип, шаңнадып-  
мактадып-даа келген. Чылдың-на  
уран чүүл көрүлдөлөрүнө киржи-  
п, айлан куш дег хоюг үнүн чонга ба-  
раалгадып чоруур. Ол ховар дээн  
салым-чаяанныг, бүгү талазы-би-  
ле дески чаяаттыг кижилерниң  
бирээзи деп болур.

Кырган-авамның бажыңын-  
дан үнгөн-кирген кижилер кажан-  
даа үзүлбес. Байырладар, анаа-  
даа үедө думалары, кожолары,  
аалчылары, төрөлдери бажың до-  
ла бээр. Келген кижилер оларның  
амданныг чемин чил, аяк-шайын  
амзап, каткы-хөг долган оюн-баш-  
таан, чагыг-сөзүн дыңнавайн бар-  
бас. Хүлдүмзүрүг арнындан ыравас  
кырган-авамның эжин кандыг-даа  
кижиге кезээде ажык.

Оон мөзү-бүдүжүнүн эң-не хо-  
вар талазы: чон-биле чугаалажып,  
эдержи билيري. Төрүмелинден ду-  
зааргак, биче сеткилдин-биле чо-  
нун хүндүткелин чаалап ап чоруур.

Монгуш Ольга Оюн-ооловна,  
Монгуш Олег Аракчаевичиниң  
өг-бүлөзи суурувустун эң-не хүн-  
дүткелдиг, үлөгерлиг өг-бүлөлө-  
риниң бирээзи деп санадып чоруу-  
рунга чоргаарланып чоруур мен.

**Чимис ООРЖАК,**  
9 класс, Хөндөлөн ортумак  
школазы.

Самагалдайның №1 школазының өөреникчилери бижип тур

## СЫЛДЫСКА ЧАГААЛАР

### АВА ДУГАЙЫНДА

Мээн авамны Сырга дээр.  
Авам 31 харлыг. Мен авамга дыка  
ынак мен. Ол дыка чараш киж.  
Мен авамның сеткилин өөртүкээр  
мен. Мен эки өөрениримге авам  
мени мактаар. Авамның кежээзи  
база аажок, чеже-даа ажылды кы-  
лып четтигинтер.

**Айлуна НОМЧУЛА, 3 класс.**

\* \* \*

Мою маму зовут Кунгаа Ар-  
жаана Олеговна. Ей двадцать де-  
вять лет. Она работает в городе  
Кызыле секретарем. Моя мама  
очень любит цветы. Она любит се-  
риал “Татьянин день”. Я люблю  
свою маму.

**Арина КУНГАА, 3 класс.**

Мээн авамны Валерия Васи-  
льевна дээр. Авам менээ дыка  
ынак. Мен база авамга дыка ынак  
мен. Авамны мен алдынга-даа,  
мөңгүнге-даа орнапас мен. Авам  
мени бичинмен тура арыг-силегге  
болгаш кижизиг аажы-чанга  
өөрөткөн.

Кижиниң авазы дег эргим  
кижи чок. Авам менээ алдын хүн  
дег. Мен авамны хүндүлээр мен.  
Ыңай бээр чоруй баарга, дораан-  
на сакты бээр мен. Чүгө дизе, ава-  
зы чокта кижиге түрөңчиг болур.  
Чамдык улус авазы чокта эки деп  
бодаар, ол ыңдыг эвес. Авазы чо-  
кта киж аарып-аржып туруп бээр.  
Авазы турда кижиге хөглүг бол-  
гаш дыштыг, ыңчангаш аваңарны  
хүндүлөп чоруңар!

**Чейнеш ДАМДЫН, 4 класс.**

Ие сөзүн ижиң болбас,

Ада сөзүн ажырып болбас.

Ие киж өртемчиде аяк хүн дег,  
амыдырал - чуртталгавыстың чы-  
рыткызы. Аваларны хүндүлөп чо-  
руңар. Оон өске ол дег эргим ки-  
жи тыппас силер. Ава киж аяк-  
төлүнүн салым чолу дээш кезээде  
сагышы амыравас. Ава чокта  
чуртталга чок. Бир дугаар чаш  
уругтун безин адаар сөзү — авай.  
Кандыг-даа үеүсте бистерни ава-  
выс кезээде деткип, шын орукту ай-  
тып берип чоруур.

Мээн авам адын Сенди Та-  
тьяна Владимировна дээр. Авам  
уран-шевер, ажылгыр-кежээ киж.  
Авам холу чөмзиг, кандыг-даа ам-  
данныг чөмнерни биске кылып  
бээр. Мээн авам эмчи, ыңчангаш  
чонга ачы-дузасын чедирип чо-  
руур. Мен авамга чоргаарланыр  
мен.

**Аймира СЕНДИ, 4 класс.**

Мээн авам ак - сеткилдиг  
боорда ажылгыр - кежээ, аяк - тө-  
лүңгө ынак. Мен авамга дуза-  
лып суглап, ыяш чарып бээр мен.  
Авамны кажан-даа хорадатпас  
мен. Мээн авам 29 харлыг, анык,  
чараш. Авамның ынак кинозу -  
“Татьянин день”.

**Аржаан ЧАГАР-ООЛ, 3 класс.**

\* \* \*

Мээн авам аргырынга  
болгаш дааранырынга ынак. Холу  
база чөмзиг, авамның кылган  
чөмнерин дыка чиксээр мен. Авам  
биче сеткилдиг, үнгөн-кирген  
төрөлдөргө шайын кудар. Иениң  
холдары эң-не чаагай болгаш эрге-  
чассыг. Оон аяк-төлгө болгаш  
кижилерге ынакшылы өшпөс.

**Ангелина САНДЫП, 3 класс.**





СТРАНИЦЫ СЕМЕЙНОГО ЧТЕНИЯ

# Конгулуур

Чечен чогаал  
арны

Одно из орудий для получения Знаний, но орудио оное существенное, — это умение пользоваться книгой.

Н.К. Крушская

• Ай-Демир КАДЫГ-ООЛ

## НАМ С ТОБОЙ...

Рассказ из жизни

На днях я сидел в кабинете одного из врачей Улуг-Хемской ЦКБ, собирая материал о причинах сложившейся в райбольнице сложной психологической обстановке.

В это время на прием к терапевту зашла очередной пациент, пожилая женщина с усталым и изможденным лицом. Доктор и больная ведут неторопливую беседу. А я смотрю на эту женщину и память уносит меня в детство, и уже никакая статья в газету не идет в голову... 1983 год. Город Новый Шагнар. При эвакуации из Старого Шагнара при строительстве Саяно-Шушенской ГЭС нам с матерью выделили крохотную комнатушку в деревянном общежитии, до получения квартиры в строящихся пятиэтажных домах. Время тогда было беззаботное, мама, я и сестренка, получившая терапевтическим отделением, дни и ночи пропадала на работе. Мальчишка — второклассник, я был предоставлен весь день самому себе.

Я был единственным сыном у матери. В отличие от одноклассников, мне некому было давать подзатыльники и нагоняи. И одноклассники не раз местили мне, разбивая в детстве нос до крови. И поэтому, что и греха таить, я очень часто шел после школы не домой, а в больницу, к маме. Так продолжалось до тех пор, пока к нам в общежитие не переехала одна семья. Мать, сын и младшая дочь. Так уж получилось, что новый мальчишка стал моим самым близким другом. Наверное, мне импонировало его справедливое отношение к слабым и неподетски мудрая философия жизни.

Адир был крепким пацаном. Но меня поражаало, что обладая должной силой, он никогда не пользовался ею во вред, в отличие от остальных мальчишек двора. Нужно сказать, что семья Адира была небогатой. У него никогда не водились деньги. Когда мы шли на данные мамой на карманные расходы деньги в кинотеатр, люди шли и оборачивались на нас. Слишком был разителен контраст между внешним видом сына врача и пацанки. Но нам с Адиром было на это ровно наплевать...

Быстро пролетел год. Когда я перешел в третий класс, мы с мамой переехали в новую квартиру. А Адир как-то незаметно исчез... Мы

уже закончили школу, одноклассники разъехались кто-куда. Однажды в Кызыле, в 1994 году, обучаясь в ДОСААФЕ по направлению военкомата на водителя, я вновь встретился со своим первым другом и одноклассником. Он был таким же как и прежде, честным и непримиримым. Адир рассказал о своей нелегкой доле. Их семья тогда жила в Усть-Элегесте. Мама безработная, младшая сестренка, очень красивая девушка — повторяет судьбу своей матери.

В тот день мы не пошли на занятия, а походили по городу. Когда военный комиссар выписал ему направление на курсы водителей, он со всей присущей ему целеустремленностью приступил к осуществлению своей мечты — выучиться на шофера, любой ценой устроиться на работу и стать ЧЕЛОВЕКОМ...

У него был очень сильный, высокий уровень интеллекта. Помню, меня как будто током насквозь пронзило, когда он рассказал, что из-за отсутствия денег он вынужден каждый день из Усть-Элегеста приходить на курсы в Кызыл пешком. «Выхожу в 11 утра, в половине четвертого уже подхожу к зданию ДОСААФА» — с улыбкой говорил мой одноклассник. А ведь на дворе стоял январь, всюю трешали крепленские морозы... А после занятий, уже поздними зимними вечерами мой друг уходил обратно, домой в Усть-Элегест. Он никогда не пил, не курил, вел праведный образ жизни... и занимался карате. На мой вопрос, кем ли у него девушка, Адир с грустной улыбкой рассказал, что пока он не выучится на шофера и не найдет себе работу, даже не имеет права думать об этом. А потом он успеет... Я тогда был уверен, что так оно и будет. Хотя если честно, в те смутные годы, когда республиканская власть буквально поставила на колени население Тувы, мечты моего одноклассника о лучшей доле не могли иметь воплощения по существу. После ДОСААФа мы опять разминудись на большой дороге жизни. Я потом призвался в армию, Адир служил на Северном флоте. Больше я его не видел. И лишь поступив в Иркутский госуниверситет на факультет журналистики и став журналистом, в самых сложных

ситуациях, когда сталкиваешься с людскими пороками — алчностью и лицемерием — я стал все чаще вспоминать своего друга Адира — таким, каким я его запомнил — вечно бесребренника, и чистого душой человека, которого я знал...

И вот на приеме у врача, спустя семнадцать лет после нашей последней встречи, сидит его мать с поседевшими висками. У нее острая пневмония, врач назначает ей лекарства, объясняет, что заболевание требует интенсивного лечения антибиотиками. Я не удержавшись, спрашиваю о своем друге. Как он — жив-здоров, счастлив ли, добился ли он своего? Но моя радостная речь оборвалась на полуслове... Женщина пристально посмотрев на меня, бросила, как отрезала: «Его давно уже нет». И вышла из кабинета.

Р.С. Знакомый доктор рассказала мне, что ее сын умер от продолжительной болезни, очень много страдал. И что у матери не было денег на приобретение дорогих антибиотиков. Я в свою очередь попросил врача оказать матери моего лучшего друга детства посильную помощь в излечении от недуга...

Выйдя из больницы, мне подумалось о том, что чем честнее и чище душой и помыслами человек, тем быстрее он уходит от нас... Кем же стали те мальчишки в большинстве из того маленького двора старой общаги? В люди выбились лишь некоторые, многие же окончательно спились, сели в тюрьму или ведут далеко не праведный образ жизни... Есть и такие, которые палец об палец не ударили за свое счастье, а считают себя хозяевами жизни. И вскипает в душе бессильная ярость, отчего же к некоторым так несправедлива судьба? И как после этого сохранить веру в небесного отца? Мне кажется, это про Адира пел индийский киноактер в любимом фильме детства, на который мы постоянно сбегали вместе с уроков: «Пусть не скроет от ветра такое жилье — но свобода и песня — счастье мое. Пусть не хватит гроша на еду и питье — но улыбка и песня, богатство мое...». Еще вспомнил я об одном эпизоде, когда несколько мальчишек нашего двора, не справившись с Адиром поодиночке, напали на него целой ватагой. Он тогда произнес фразу, которую я запомнил на всю жизнь. «Я никогда не стану таким, как вы...».

• Екатерина ТАНОВА

## БИЧИ ЧОЛААЧЫ

Дү-дү-дү! Бурунгаар!  
Дүргеденер, дугуйлар!  
Уележир эштерим,  
Үе-шагның дүргенин.



Амдызында тенкиштиң  
Автомобиль менде бар.  
Удавайн езулуг  
Рульду мен тудар мен.

Чогуи кандыг руль ирги,  
Оозун ам-даа билбес мен.  
Чолаачы-ла болзумза,  
Ол-даа меңзэ дөмей-ле.

“Волганы”, “КамАЗты”,  
Чоонгап деп, мунар мен.  
“Восток”, “Восход”, “Салют”  
Чолаачыга чагырткай.

## ТЕНЕК ХАВА



Эгерек деп хаважык  
Элденейлиг чаңыг де,  
Бошук анаа чыттырбас,  
Бо-ла алгаш ыңай боор.

Ооң-биле ойнап-ойнап,  
Ол-ла черге октаптар,  
Чуду-кара уруглар дег,  
Чурум билбес хаважык.

“Бошук дээрге бөмбүк эвес,  
Мооң-биле ойнавас” деп,  
Кырган-авам сөзүн тоовас,  
Кыйбың-сыйбың хаважык.

## ДИЛГИЖЕК

Кызыл-сарыг чучактыг,  
Кылаштаары дааш чок,  
Кулактары сүүреңдээ,  
Кудуругу саглаңаан.



Кажар дарткеш, улуска  
Аттындыра бергилээр.  
Харын мен-не көөрүмге,  
Аажок чараш аңчыгап.

Хөөкүйү дилгижекте,  
Көксеп, кончуп тургап чоор,  
Черниң аңы боду-ла  
Чемнеп, маңнап чораай аап.





• Июль 6-да — 1935 чылда Тибетте Кукунор хөлдүн чанында Такцер деп сууржугашка тараачын өг-бүлөгө XIV-ку Далай-Лама Тензин Гьяцо төрүттүнгөн.

Ыдыктыг XIV-ку Далай-Лама башкынын 60 харлаан Юбилейи 1995 чылдың июль 4 - 6 хүннереинде Индиянын төвү Нью-Дели хоорайга болуп эрткен. Аңаа Бүгү-Делегейиниң шупту чурттарында төлээлер киришкен. Россиядан Калмыкия, Бурятия болгаш Тывадан делегация барган.

Ол хүннерде сарыг-шажынга хамаарышкан эртем-шинчилел ажилдарынын номчулгаларын делгереңгейи-биле чугаалашкан. Ыдыктыг Башкы төрүттүнгөн хүнүнде сыгырдан бажында Улуг Номнал

номчааш, чаш чараш ыяшты боду олурткаш, суггарып каан. Бистер, аңаа киришкен тывалар, чүгле ол езулалдарга киржир эвес, а Башкынын Дхамсала хоорайда чурттап, ажилдап турар черинге чедип, Оон боду-биле ужуражып, чолукшуур ааскежиктиг болган бис.

Александр ШОЮН.



Далай-Лама Башкынын ыяш олуртуп турары.



Тываның төлээлери.



Төрээн чериң өөрөн

## ЫДЫК ЧЕРИМ - КЫЗЫЛ-ТАЙГА, ЫНАК, ЭРГИМ - ШКОЛАМ

Экин. ынак солунум "Сылдысчыгаш"!

Бодумнун төрээн черим Кызыл - Тайга суурумнун база клазым дугайында бижижесем.

Мээң бичии Кызыл-Тайга суурумну долгандыр бойдус оттуп, амыдырал дидрип, хөглүг чай дүшкен: бедик чоргаар Кызыл-Тайга хар шуглаан ажып октапкыш, кызыл-хүрөң шырайы-биле хүннүн алдын херелдеринге хүлүмзүрүп, чоргаар түрлүг харап турар. Арыгда, хову шөлдө ангыр, дурузалар ыягылыг дыннаксанчыг чараш үннери-биле аян туткан, хөк-даваннар, баштайгы көк сигеннер шымыраып келгилээн, анай-хаактар куу чинге салаалар дег турган талдарны аян кирип каастаан; ааржы дег чаптып ойттаан малын көдээ ишчилер сыгыт-хөөмейин салбышаан, кадарып чоруур, алдын хүннүн саа-

рылган херелдери черин чылдып келирге, чаштар кудумчуларда хөглүг ойнаан, көдээ-ишчи чоннун чайгы хайымныг ажылы эгелээн.

2008 чыл биске байырланчыг, өөрүшкүлүг чыл. Бо чылын буйанныг школавыс 70 харлаар. Эге школанын бо чылгы доозукчулары болганывыска чоргаарланыр бис. 4-ку класста 14 доозукчу бар. Башкывыс Ондар Светлана Делгерооловна. Ол хөй чыл ажилдаан дуржулгалыг башкы, хөй уругларнын авазы, кырган-авазы. Бо чылын башкывыс "Россия Федерациязынын өөредилгезинин хүндүлүг ажилдакчызы" деп хүндүлүг атты алганынга өөрүп, аңаа чоргаарланыр бис. Клазывыста 3 уруг, 11 оол өөренип турар бис. Кожууннун, школанын хөй-ниити ажылынга идепкейлиг кирип, шаңналдыг черлерни ап ту-

рар бис. Монгуш Даяна (тыва дыл), Монгуш Чолдуг (сан эртеми), Монгуш Чаяана (орус дыл) Сүт-Хөл кожууннун 4-ку класчыларынын аразынга олимпиадага чединишкениг киришкен бис. Клазывыста 2 мөңгүн, 1 хүлер медальдарнын эдилекчизи Донгак Аңчы — шыырак мөгөвис бар. "Мини-мисс" мөөрейиниң Сүт-Хөл кожуунга киришкеш Вице-мисс номинацияга төлептиг болган мен. Эге школаны чүгле "5" демдектерлиг доозар деп турарымга эштерим, башкыларым, өг-бүлөм өөрүп турар.

Хөй ат-алдарлыг, төлептиг доозукчуларны өөредип каан буйанныг 70 харлыг школавыстың эге өөредилгезинин 70 дугаар доозукчулары болуру биске улуг аас-кежик.

Бичии дуңмаларывысты мөөрейлерге белеткеп, ыры, шүлүктөрнү, танчыларны өөредип турар бис.

Келир үеде төлептиг кижилер болур дээш ам-даа кызып өөренир, башкывыстың, ада-невистин чагыт-сүмезин дыңнаар бис.

Чаяана МОНГУШ,  
4 класстың доозукчузу,  
Кызыл-Тайга ортумак  
школазы.

## Бистил календарывыс

• 2 — 1893 чылда ыраккы Тоора-Хем суур үндезилеттинген. Амгы үеде Тожу кожууннун төвү болуп турар.

• 3 — 1942 чылда Тываның херэженнеринин аразында бир-ле дугаар спорт мастери атты чаалап алган, ча адар спорттун тренери Р.С.Тутачикова (Оюн) төрүттүнгөн.

• 4 — КАИ (ОШАЧКИ) ажилдакчыларынын хүнү. — 1943 чылдын чайынында балетмейстер А.В.Шатин "Декей-оо" болгаш "Ээлдек шыгырааш" деп танчыларны тургускан. Ол танчыларнын эңне баштайгы күүседикчилери Наталья Ажыкмаа - Рушева, Галина Бады-Сагаан, Екатерина Харлыг болгаш Клара Намчак олар болганнар.

— РФ-ниң Шериг далай флодунун авиациязынын хүнү.

— ТР-ниң культуразынын алдарлыг ажилдакчызы, билдингир журналист, совет, партия ажилдакчысы Хенче-Кара Сагдыевич Монгуш 60 харлаан.

— 1993 чылда Новосибирскиге эрткен Бүгү-делегейиниң уругларынын олимпий оюннарынын 1-ти Сибириадазынын чемпионнары Кызылдың №9 школазынын өөреникчизи Тимур Борбак-оол биле хоорайнын үнү чок уруглар школазынын 7-ти классчызы Людмила Кулчакова болганнар.

• 5 — Бүгү-делегейиниң кооперативтер хүнү.

— Социалистиг Күш-ажылдын Маадыры, Тываның алдарлыг малчыны Ооржак Чываажыкович Лопсанчап (1903-1977) 105 харлаар турган.

— Билдингир эртемден-төөгүчү, археолог, төөгү эртемнеринин кандидаты Александр Данилович Грач (1928-1981) 80 харлаар турган.

• 6 — 1935 чылда Тибетте Кукунор хөлдүн чанында Такцер деп сууржугашка тараачын өг-бүлөгө XIV-ку Далай-Лама Тензин Гьяцо төрүттүнгөн. Тус чернин тибет календары санаашкыны-биле 60 чылдың Ыяш Хаван чыл болуп турар. Ада-иези оолду ойзу Тхондуп деп адап алганнар.

— 1936 чылда Тыва Арат Республиканың 15 чыл оюнга тураскааткан бирги концерт радиого болган. Аңаа өөредилге комбинатынын сургуулдары, оларнын аразында Максим биле Кара-кыс Мунзуктар киришкен.

— Далай болгаш хем флодунун ажилдакчыларынын хүнү.

— 1936 чылда Тываның чону радиону бир-ле дугаар дыңнаан.

• 7 — 1938 чылда Тыва Арат Республикага 1-ги күрүне лотереязынын ойнаашкыны болуп эрткен. 5 акша өртектиг 30000 билеттерни парлап үндүргөн. Ойнаашкыннарнын аразында "М-1" маркалыг чийик машина, 4 сиген кезер машиналар, "Колумбия" деп англи патефоннар, шактар, аъттар болгаш инектер кирип турган.

БОДАН, ТЫП. БОДАЛ ИАГ!

КАЖАР  
АЙТЫРЫП

Чагс чезинде  
бора-хөпнөш кандыг  
хол майгынынын  
адаанда олурар-дыр?



Океан-97

Фестивальның дипломантызы.

"Чонар-даш-2004" республика конкурсузунун лауреады, Россиянын Журналистер Эвилелиниң дипломантызы.

Кол редактор Александр ШОЮН

Редакциянын адреси: 667000, Тыва Республика, Кызыл, Красноармейская кудумчузу, 100. Парлаал-га бакыны, 4-ку кааг, кабинеттер 75, 76, 77, 79.

Индексий 10013.

Тираж 3821 экз.

Чагыр №140.

Россия Федерациязынын Парлаалга, телерадиоам-чылдыга болгаш массалыг коммуникация херектеринин талазы-биле яамынын Ортааки Сибирде регионнар аразынын девискээр эргелели "Сылдысчыгаш" солуну бүрүткөн. Херечилеэн — Т-00015.

Солуну ТР-иниң "Тышпалыг" курунениң унитарлыг бундурганниге парлаан. (Кызыл, Шериккина-Кривченко, 1) Парлаалгаже дузаары: график суугаар понедельникте

Тургузукчулары: Тыва Республиканың парлаалга болгаш ин-формация талазы-биле күрүне комитеди. Тыва Республиканың ниити болгаш профессионал өөредилге яамызы.

ФАКС 8(394) 22-2-06-17. Телефоннары: Кол редакторнун — 2-06-17. Секретарь — 3-17-00. Килдистер — 3-17-87. Бухгалтерияны — 3-17-00.

10 шакта. Херек кырында понедельникте 9.00 шакта. Редакция бижиел чүүлдерге, тырттыргыч, чурган чуруктарга, шүлүк болгаш проза чогаалдарына сайгарылга кылбас болгаш оларны үлгеринге дедир огнитсе, авторлар-биле чагылдыжылга чүрүткөн.

Солуну РФ-тиң парлаалга болгаш массалыг коммуникация херектеринин талазы-биле Аген-тиелиниң деткимчези-биле үндүрүп турар.